


sovaĝaj aŭ kulturitaj paŝtoj. **~ero.** Ĉiu el la trunketoj de ~o. **~obedo.** Belaranĝita bedo kun ~o en parko, ĝardeno ktp. Kp RAZENO, GRAMENACOJ. **~okolekto.** Kolekto de vegetaĵoj sekigitaj k ordigitaj laŭ scienca klasifiko.


herbario Z. Herbokolekto.

*** Heredi** (tr). 1 Laŭleĝe ricevi ion de mortinto : *~i ion de iu ; de lia patro li ~is nur ŝuldojn ; ~anto ; kun~anto.* 2 (f) Havi post siaj parencoj aŭ antaŭuloj, ĝui post ili aŭ same kiel ili : *~i la gloron de siaj praavoj ; ~ila kutimo ; honoron ~as saĝulo* Z. 3  Havi post siaj parencoj pro denaska transigo : *~i de sia patro tuberkulozon, inklinon al matematiko.* **~(a)jo.** Tio, kion oni ~as : *riĉa ~ajo ; dividi ~on kun siaj fratoj ; ~ajo el gloro, virto, memorindaĵoj ; (f) tiu leĝo estas nur ~ajo de la antaŭaj registaroj* (Kp POSTLASAJO, RESTAJO). **~a.** *~ita aŭ ~ota : ~a bieno, propraĵo ; ~a malsano ; ni ne devas ~e nutri por senĝinaj generacioj intergentan disecon* Z. **~igl.** Fari, ke iu ~u ion : *~igi ion al iu Z ; ~igi iun pri io ; saĝulo ~igas siajn nepojn.* **Pri~a.** Rilata al ~eco ; *pri~a leĝo, rajto.* **Sen~igl.** Senigi iun je la atendita ~ajo : *sen~igi maldankan filon.*


*** Herezo.** 1 Doktrino aŭ opinio kontraŭa al iu religia dogmo k tial kondamnita de iu eklezio : *~a kredo, aserto.* 2 (f) Opinio tute kontraŭa al la komune akceptataj ideoj : *tio, kion vi diras, estas ~o en medicino.* Kp PARADOKSO, MENSOGO. **~i.** Esti ~ulo, ~e opinii. **~ulo.** Homo, kiu kredas aŭ predikas ~on : *en mezepoko oni bruligadis ~ulojn* (Vd AUTODAFEJO). **Ĉef~ulo.** Homo, kiu iniciatis ~on.

Hermafrodit. Havanta samtempe la naskorganojn de ambaŭ seksoj : *~a besto, floro.*

hermet(ik)a Z. Perfekte fermita : *~a fermo ; ~e ŝtopita botelo.*

herminio  G. de noktuoidoj, kiu similas velkintan folion (*herminia*).

*** Hernio.** Tubero produktita de parto de intesto, kiu eligis tra fendo de la ĝin kovranta membrano k formis ŝvelaĵon sub la haŭto : *entordita ~o* (kie la intesto estas streĉe premita de la randoj de la fendo).

*** Heroo.** 1  Duondio, filo de dio k homino aŭ de homo k diino : *Heraklo estis ~o.* 2 Homo nobla pro sia naskiĝo, rango, kuraĝo aŭ talento : *ne estas ~o por sia servisto ; ministoj estas ofte nekonataj, humilaj ~oj ; tiuj ~oj de la spirito estas la fiero de la lando Z ; la ~oj de la scienco ; ~a konduto.* 3 Ĉefa persono de historio, aventuro, rakonto aŭ teatraĵo : *la ~oj de « Iliado » ; la ~o de la « Revizoro » estas nur fripono.* **~ajo.** Ago inda de ~o. **~eco.** Kvalito karakterizanta ~on.

Heroldo. Regna militisto aŭ oficisto, kies rolo estas anonci gravaĵojn (proklamo de kronado, de milito ktp) : (f) *li estas ĉiam la ~o de sia propra gloro.* Kp KURIERO. **~i** (tr). Kvazaŭ ~o diskonigi : *~i la famon de eltrovinto ; (f) la suno ~is la festan tagon* (Kp DISFAMIGI, DISTRUMPETI, GLORI).

hetajro. Alte kulturita k altsocieta prostituitino.


heterogena Z (Sc). De malsama naturo, de malsama deveno : *~aj ecoj, principoj ; korpo konsistanta el ~aj elementoj.* Vd HOMOGENA.



Hetmano. Generalo de kozakoj.


Heziti (ntr). Pro dubo ŝanceliĝi, halti ; ne scii certe, ĉu oni faros aŭ diros ion, aŭ ne : *~i inter du decidoj, partioj ; ~i kun respondo Z ; ~i pri la finado ; ~i deklamante rolon ; mi ~as preni sur min tiun taskon ; tiu rimarko forte ~igis min ; sen~e paroli, deklari ; ~aj respondoj, paŝoj ; ~ema karaktero.* Kp ŜANCELIĜI, TIMI, PALPI.

Hiacinto. Bulba veg. el fam. de liliacoj, kies floroj estas diverskoloraj k forte bonodoraj (*hyacinthus*).

hiato (Fon). Senpera sinsekvo de vokaloj ordinare pli malpli malagrabla por la orelo, ekz. « la arbo ; amata infano ; apelacii ».

hibisko  G. de malvacoj, rimarkinda pro siaj grandaj, belaj floroj (*hibiscus*).

hibrido Z   Planto aŭ animalo, devenanta de du malsamaj specoj aŭ rasoj : *~oj estas nur malofte fekundaj.* **~a.** Devenanta de du malsamaj specoj, de du rasoj.

Hidro. 1  Fabela serpento kun sep aŭ naŭ kapoj, el kiuj ĉiu, kiam oni